

敕雲和尚語錄

十六之十

C40
4514
(139,140)

C 40-4514

丁翁正其不嚴友有
家書異哉此靈山
我散矣為靈虛淨中元
為學者不敢許出院內
當山二世鐵牛機謹誌



B 64853

牧雲和尚語錄卷第六

姑蘇西華山秀峰寺門人行瑋等編

寧波府天童山景德禪寺語錄

入寺舉雪峰示眾云望州亭與汝相見了也烏石嶺
與汝相見了也僧堂前與汝相見了也新天童則不
然小白嶺與汝說法了也隱蓋亭與汝說法了也萬
工池與汝說法了也敢問諸人作麼生是小白嶺說
底法作麼生是隱蓋亭說底法作麼生是萬工池說
底法久叅先德試通消息後學初機當須仔細
鎮臺至上堂僧問芒屨已過小白嶺雲生石磴觀雙

跌如何是小白嶺說底法師云三十年後向你道進
云幽亭鎖翠連鬚綠修竹垂頭帶雨聽如何是隱蓋
亭說底法師云須從箇中來進云萬工池隱龍聞傷
太白峰高月影寒如何是萬工池說底法師云照顧
眼睛進云今日護法登山爲衆一句作麼生道師云
大家有分進云千僧鉢掛無憂樹大地人居慧日中
師云禮拜了退乃云機先一著千里同風聲前一句
十方響應山僧今日初結冬新安衆烏勝白拂提佛
祖之綱宗有大檀越自上方持香積紫電清霜發將
軍之武庫牙旗大纛寶劍彤弓錯落交輝森嚴無礙

長諸人銳志發諸人大機古人道我爲法王於法自
在到者裏如行嚴令呼吸相通如舞太阿莫窮變化
此是向上人行履構得此機明得此用立地成佛不
爲難事且如何是頓超底句卓拄杖云舍元殿裏莫
問長安下座

開爐上堂僧問了明差別智方證涅槃心千七葛藤
都拈卻德山托鉢意如何師云年老成魔進云爲甚
被雪峰一撥直得低頭歸方丈師云賺殺闍黎進云
祇如巖頭云大小德山未曾末後旬堂師云好與二
十棒進云密啓其意又如何師云來日來向你道進

撰述
二云既會末後句因甚只得三年活師云開眼作夢僧
禮拜師乃云昨日結制今日開爐諸人還識開爐底
意麼霜花點白山寮各下暖簾楓葉飛紅將見堅冰
踵至通方上士鑒在機先得旨歸根去天寒人寒滴
水滴凍隨流認得性無喜亦無憂不假炭煤宏開爐
鞞直下化鈍鐵作良金鎔頑銅成法器妙手雖呈大
功不宰驅瀉山水牯直入欄圈打踈山木蛇橫鑽泥
土且道甚麼時節是他出頭分莫看水草嫌枯淡好
聽春雷換甲鱗下座

上堂太白山中日日普請百丈典型古今不墜明賞

罰嚴進退安上下泯親踈率作典事肘臂先勞神通
妙用底不礙搬柴運水穩密田地底任他飽粥飽飯
直得內外杳忘淺深一致冷灰裏豆爆明窻下安排
伏爪藏牙荷宗扶教有恁麼人山僧不妨朝打三千
暮打八百且道落在什麼處三尺拄杖攪滄海令彼
魚龍知性命卓一卓下座

上堂僧問未離兜率已降王宮未出母胎度人已畢
未審夜觀明星又悟箇甚麼師云水上按葫蘆問指
天指地說玄黃一觀明星剖大荒丈夫果有通天作
拈起毫毛攪鑊湯如何是剖大荒底句師云天傾西

北地缺東南進云作用已蒙師指示慶讚一句又作
麼生師云天寒日短兩人共一盃進云鷺嶺一花開
五葉神州紫氣靄天童師云遠之遠矣乃云夜來佛
成道早上食香糜滋味同沾著鷲奴大展眉汝諸人
若善參詳我今爲汝保任此事終不虛也苟或躊躕
白雲萬里

立春上堂靈樞密運四序推移天地之間其猶橐籥
看看冬到來卽便春風至長連牀上學得底是第二
機若是第一機天下老和尚未曾提著山僧又如何
拆合舉拂云看看五彩畫頭黃金點額復擊一擊云

好好一隻春牛被山僧一鞭粉碎了也聞一知二從
他遍界分身認影迷頭一任眼瞎地

上堂春日暖融融草青花漸紅出門三四日有客到
山中山中客旣到對面呵呵笑山僧前日出在定海
登招寶山曾拾得一寶今日作大供養若能領受盡
未來際受用無極且道此寶只今在什麼處提起袈
染角顧左右云分明記取

上堂牛頭沒馬頭回說黃道黑欺胡瞞漢雖則手眼
各露只恐打入葛藤上去昨日晴今日雨江南兩浙
春寒秋熱雖則面目全彰又恐丟在無事甲裏所以

道向上一路千聖不傳學者勞形如猿捉影直饒普
慧雲興百問普賢瓶瀉千酬將一千七百公案從頭
註過總是門外之遠若論宗乘兩字天下老和尚未
曾動著山僧到此又如何開口還會麼一度被蛇傷
怕見斷井索

上堂小盡念九大盡三十盡大地人蹠跳不出達磨
面壁泄天機得髓神光三拜立將謂胡鬚赤更有赤
鬚胡松江人喫鱸魚福建人喫荔枝滋味各各道好
若也平分將去五十元來是半百若也盡情收拾千
聖不知何處去倚天長劍逼人寒卓拄杖下座

上堂十五日已前野田祭掃鬼哭神號十五日已後
鳥語如黃山花似錦正當十五日紅日三竿曲肱而
枕佛法二字摸索全無山僧恁麼告報會得則途中
受用不會則世諦流布

上堂僧問太白峰露頭露面清關橋橫說豎說爲復
是神通妙用爲復是法爾如然師云且疑三十年問
不在內不在外不在中間未審在甚麼處師云觀於
海者難爲水乃云頂門隻眼明明非見腳跟一竅了
了常知古者道從生至死祇是者箇回頭轉腦作麼
正是憐兒不覺醜天童者裏還有回頭轉腦者麼拍

膝云且喜天下太平

上堂是法平等無有高下時節若至其理自彰卽今是麼時節莫春者春服旣成綠暗紅稀水流花謝明明百草頭明明祖師意隱蓋亭中出出入入清關橋上往往來來塵鞅何拘天機各得苟知此意吾與點也設或放過寶山空手去不是老僧慳

上堂天童結夏草鞋高掛無內無外無高無下無內無外以大圓覺爲我伽藍無高無下身心安居平等性智以大圓覺爲我伽藍則百億須彌百億日月百億四天下乃至華藏世界盡無邊香水海總出不得

天童門限身心安居平等性智但只饑來喫飯困來打眠行但行坐但坐菩提煩惱生死涅槃智慧愚痴真如佛性當人腳跟下總不必動著正恁麼時如何黃鶯啼綠樹好聽箇中玄下座

轉藏上堂六月六鄞城舊風俗都入天童轉藏經不憚山遙與水曲直得霞條展處勝義炳然文彩彰時全機廓爾記得當時僧問投子一大藏教還有奇特事也無投子云演出一大藏諸人還會也無聽取一頌一句全提劈面來神機直下迅如雷要知演出淡澹處除是當陽正眼開卓拄杖下座

上堂山頭雲一片兩片東看西看只可自怡悅不堪
持贈君海上潮千重萬重朝響暮響欲取三摩提實
以聞中入雖然恁麼中卻不恁麼目前無法意在目
前不是目前法非耳目之所到到者裏跋難陀龍有
耳無用處阿那律陀有眼無著處且作麼通得本地
消息良久云鄞邑象山雖隔海風來殿閣一般涼

解夏上堂金風作陣玉露垂珠纔見護生又看解夏
火雲漸退鴻雁將來時節甚分明長空無向背衲僧
家明格外機行格外令只如文殊菩薩一夏遊歷三
處又護箇甚麼生迦葉舉起提椎下手不得又解箇

甚麼夏汝諸人還知落處麼乃呵呵大笑云打麴還
他州土麥唱歌須是帝鄉人

上堂形與未質名起未名形名既兆遊氣亂清當時
釋迦老子在靈山向諸人道如來如實知見三界之
相無有生退若退若出亦無在世及滅度者非實非
虛非如非異不如三界見于三界如斯之事如來明
見無有錯謬諸人向者裏道得出世不出世麼千年
松下無人到掛角羴羊不可尋

太保田都督入山飯僧上堂簷聲不斷連朝雨谷響
重鳴半夜風聲色純真談不二當陽好定此機鋒若

也定奪得去昨日雨今日晴向無陰陽地上豎去橫
來一切處成就慧身一切處洞開正眼一卽一切一
切卽一居官居佛同彼同此寰中天子勅塞外將軍
令且如何是將軍令鐵壁銀山無障礙山河萬里一
時通

上堂仲冬初一大霧克塞太白峰頭不肯露出老鴉
高叫在空中人面相看不相識雖然如是鏗然者知
是打鐘人填然者知是打鼓人適來添却三下齋梆
知有施主在山一一分明有甚相瞞處且道座上長
老口喃喃地畢竟如何是他大人相喝一喝云胸中

屹但未消頌覲面原來似隔津下座

牧雲和尚語錄卷第六終

牧雲和尚語錄卷第七

姑蘇西華山秀峰寺門人行瑋等編

小叅

淨名庵小叅問師登法位開鑿人天如何是祖禰不
了底公案師云頂門上著眼進云恁麼則龍得水時
添意氣虎逢山勢長威憚師便打乃云婁江大海濱
信潮時滙止地靈祥必鍾傑出衆居士資生各有家
團圓有子女不染世間法如蓮華在水創庵同坐禪
圖明生死理熏修各有年皤然今老矣以庵施諸僧
永作三寶地此心甚希有聞見皆歡喜山僧乘時來

證明如上義證明則不無且道以何爲驗乃卓拄杖云佛子住此地則是佛受用常在於其中經行及坐臥

復舉世尊與一長者行次師云道不同不相爲謀世尊指曰此處宜建梵刹師云無量佛土一時現前者拈一莖草挿世尊指處曰建梵刹已竟師云隨身宮殿太煞現成大衆世尊與長者可謂傾蓋相逢各出手眼然則古人如是提持山僧如是指注還委悉未若未委悉再爲頌出普天匝地一精藍凡聖同居世鮮諳拄杖今朝權作主不輸意氣與瞿曇復卓杖

而起

折蘆庵小叅師云白雲深處辭高臥來到煙村養病軀千尺絲綸猶未展指迷聊折一枝蘆古人道若端的得一回汗出便見一莖草上現瓊樓玉殿旣見一莖草上現瓊樓玉殿便見今日檀越置俗舍爲僧庵卽凡土而爲佛土清淨園林花果茂盛流泉浴池供養衆僧是真實功德何以故以發心真實故所以山僧爲真實爲伊證明敢問大衆總是者片田地因甚向時不說功德祇因迷故向者片田地上起種種執著種種攀緣種種顛倒者片田地不妨染汚了也而

今因甚說功德祇因悟故見法實相住無所住有道之士時來集會恒談無常苦空無我開佛知見作世津梁種種利益皆承悟者片田地而發生故雖然悟時此片田地亦不會增也只如是迷時此片田地亦不會減也只如是但迷時便有種種取舍種種纏縛種種煩惱時便得種種自在種種受用種種安隱種種快樂所以古人道學道先須有悟由猶如爭鬪快龍舟雖然舊閣閒田地一度贏來方始休復靠拄杖云大眾還見麼出頭天外看誰是我般人
佛成道日小叅師云今日臘月八乃二千年外遠祖

釋迦世尊於夜半觀明星打失眼睛歎曰奇哉奇哉一切眾生各具有如來智慧德相大覺世尊可謂已欲立而立人已欲達而達人既智慧德相人皆具有須如世尊發悟一回始得何故悟則事同一家無繇無素無今無古透脫生死全憑此箇時節不悟則萬別千差便見僧是僧俗是俗眾生是眾生佛是佛天是天人是人我是我物是物聽不出聲見不超色猶如猿猴種種攀緣生情取捨好不是惡妍不是醜乃至生死交謝寒暑迭遷北里豪家昨日歌吟今日哭隨業升沉轆轤三界無有出期此正所謂但以妄

想執着而不證得如來知慧德相透脫生死也雖然如是山僧今日出手收起祖宗舊案爲諸仁別開一路驀呈拄杖云還見麼若也見得透信得及便與二千年外釋迦老祖把手共行不論德相不德相妄想不妄想證得不證得夜半不夜半明星不明星日日是好日時時是好時塵塵爾刹刹爾直下無第二人不作第二見不起纖毫修學心無相光中常自在古釋迦不前新彌勒不後無邊刹境自他不隔於毫端十世古今始終不離於當念其或未然卓拄杖云家珍不必從他覓好自回光直下看

復舉雪竇示衆道三分光陰二早過師云是法住法位靈臺一點不揩磨師云徧界不曾藏貪生逐日區區去師云自生退屈喚不回頭恁奈何師驀召衆衆回首乃云時寒久立伏惟珍重

元旦小叅問萬物維新之際一人納慶之辰如何是新年頭佛法師便打乃云今日元正啓祚慶賞千門萬戶五九雖未逢春墻角梅椒已露諸仁者還會麼不見道寒則普天普地寒熱則普天普地熱天地同根萬物一體凡聖一如古今一致山僧忽憶威音王時有箇漢名常不輕不專讀誦經典凡見比丘比丘

尼優婆塞優婆夷便高聲唱言我不敢輕於汝等汝等皆當作佛彼時四眾聞是語已皆以杖木瓦石而打擲之經論家徃徃判道當時四眾不自信作佛破法不信故墜於三惡道殊不知龍象蹴踏非驢所堪所以云如來於一切處成等正覺於刀山劍樹上成等正覺於鑊湯爐炭裏成等正覺於棒下成等正覺於喝下成等正覺是真語者實語者不誑語者不異語者只今還有恁麼人證明如是事麼良久云選佛若無如是眼假饒千載又奚爲喝一喝

小叅欲識佛性義當觀時節因緣只今是甚麼時節

普天普地晝夜毒熱流金爍石盡大地人舉措施爲汗流似雨還有漏網者麼山僧恁麼告報只貴現前大衆直下知休所以道布縵天網打衝浪鯤鯨雖然古人恁麼道可謂言大志大爭奈齒不關風情存取捨山僧則不然據者時節將者網子撒遍大千世界自古至今無論若凡若聖若天若人若僧若俗乃至山河大地萬象森羅龜鼉蛟龍蝦蟇蚯蚓靡不收盡在此網中有會得底便自跳躍山僧笑伊爲甚笑伊笑伊直饒跳上三十三天出者網子不得不會底剛要躲避山僧也笑伊爲甚笑伊笑伊直躲避到金輪

水際也出者網子不得既都出不得者網子則跳躍底不必跳躍躲避底不必躲避卽者網子是箇平等法門所以道具足凡夫法凡夫不知具足聖人法聖人不會聖人若會卽同凡夫凡夫若知卽同聖人凡情聖見果若一時拈却則淨裸裸赤灑灑靚體現前不妨遇飯喫飯遇茶喫茶熱時搖扇寒時向火雖然如是平地上死人無數出得荆棘林是好手何故透關須具透關眼把關須是把關人

開浴小叅師云今日常住開浴山僧說法供養且道說甚麼法只就汝諸人情量說蓋佛法是無間斷法汝諸人只因取捨不忘淨穢失照所以不能時時現前何故祇如諸人尋常見香花羅列打鼓鳴鐘四衆圍繞便道山僧與你們說佛法了及乎走到東司頭尿桶邊遂道無人與你們說佛法了可不是又如尋嘗見大眾嚴整威儀作禮三拜瞻之仰之便道山僧與你們說佛法了及乎走到浴池內露了頭跣了足三五聚頭散誕將去又道無人與你們說佛法了可不是殊不知道源不遠性海非遙但向已求莫從他覓所以楞嚴會上十方微塵諸佛異口同音告阿難言妙哉阿難汝欲識知俱生無明使汝輪轉生死結

根唯汝六根更非他物汝復欲知無上菩提令汝速證安樂解脫寂靜妙常亦汝六根更非他物故知佛法只在六根門頭但汝諸人任運放逸頭頭放過山僧卽今更試爲窮鞫只如諸人尋常無事忽然內逼走到後架一味畏屎臭氣何曾照顧鼻孔可不是又如放叅了上單睡著無見無聞不知主人公在甚麼處忽然報鐘響卽便齊齊起身穿衣其時雖則瞌睡甦醒何曾曉得報鐘子真實相爲又如諸人在堂中經行坐臥日輪升天則有明耀中夜黑月則復昏暗汝諸人但知開眼見明合眼見暗總不識明暗來處

豈不是有眼如生盲相似又如古人道終日喫飯不曾咬著一粒米你諸人二時過堂胡亂吞卻何曾曉得舌頭長短可不是只如今日入浴辱水洗觸時你諸人意中覺得快爽還曾簡點洗觸箇甚麼也未到者裏間不容髮你若不被物轉卽成佛成祖去一被物所轉卽成凡夫衆生去所以道若能轉物卽同如來你諸人莫道水是箇物須知水性無不通順逆皆方便他雖則不言不語卻能真實爲你又何知得只如你諸人百骸調適身無癢處浴時喜溫其水正溫你雖則歡喜莫便被歡喜所轉須知此水徹骨相爲

開你毛竅或你手足暴躁身上發痒喜浴熱水其水正熱你也不得被歡喜所轉須知此水也徹骨相爲開你毛竅又你諸人或有愛冷浴時遇水熱莫便生惱須知此水也徹骨相爲開你毛竅或有愛熱適遇此水冷冰水地你也不得生惱也須知此水無不徹骨相爲開你毛竅更有一種你諸人浴時或心上也不要冷也不要熱只麼平平常常其水也正不熱不冷平平常常你又不可丟在無事甲裏也須知此水徹骨相爲開你毛竅所以古人有因入浴得悟底你若於此相應說甚麼五蘊六入十二處十八界應念

化成無上知覺便知見聞覺知無障礙色香味觸常三昧乃是古人親證底境界到者箇田地縱使跋陀婆羅出來道既不洗塵亦不洗體中間安然得無所有也正好與三十棒且如何是應時普利底句願令智水湛然滿常常浴此無垢人

上元小叅若論此事如元宵走馬燈相似人人物物一隊來一隊去文底文武底武騎馬底騎馬步行底步行各呈一種伎倆各穿一種服色彼彼不相知彼此不相到雖則轉轆轤地仔細看來無不在火燄裏轉若無箇火燄人也休馬也休一切俱息世出世間

十法界亦如是。祇如三界有二十八天略而言之。欲界因夙昔樂行十善。享五欲樂在善法堂上。念般若色界不惟修善且兼習定。從初禪入二禪三禪四禪。定定增勝。無色界因不得正慧。厭離色相。所以遂入空處。識處無所有處。非非想處。次則人界略有四種。爲士者則正其衣冠。誦詩讀書。居官受祿。立身揚名。務農者則春耕夏耨。秋收冬藏。百工則有梓匠輪輿。乃至爲陶爲冶爲商者。則關市往來披星戴月。東頭買賤西頭賣貴。有無相通。更有我沙門釋子。旅泊於世。方袍圓頂。振錫携瓶。傳持正法。如法化世。日遷於

善雖云出世而實資世。然此人界四民之中。貴賤不同。要其夙因。無不盡從堅持佛戒來。何以故。五戒不持。人天路絕。故其修羅界。雖亦享天福。而嗔心不調。恒起爭競。餓鬼界則從刳至刳。叫喚號毒。皮骨相連。畜生界則或飛或走。披毛戴角。橫行直撞。地獄界則一日一夜。萬死萬生。阿波波阿吒吒。總之所謂六道也。若人修行未出三界。未免忽而爲天。忽而爲人。忽而爲修羅。爲畜生。爲餓鬼。所謂六道輪迴。生死流轉也。其有小乘人。念此生死之苦。即便觀身不淨。觀受是苦。觀心無常。觀法無我。雖出三界。如獐獨跳。爲聲

漢述
牛學和而論金卷七
九
聞界晏坐林泉觀緣散滅獨證無生爲緣覺界雖修
四諦勤行六度不著此忻不著彼忻不住中流自度
度人爲菩薩界能事已畢圓證眞常永絕生死爲佛
界如是十法界雖有世出世之不同無不承大火燄
威光而轉故凡尋常若不識箇大火燄未免見天被
天轉見人被人轉乃至見地獄餓鬼畜生被地獄餓
鬼畜生轉設欲修行又未免被聲聞轉緣覺轉佛菩
薩轉矣若識得箇大火燄則不見有凡不見有聖不
見有世間不見有出世間而所作俱息矣所以古人
道三世諸佛在火燄裏轉大法輪又道火燄爲三世

諸佛說法三世諸佛立地聽祇如山僧現今爲大衆
說火燄法了大衆齊立地聽了還識得者火燄麼
記得箇古頌云學道如鑽火逢煙切莫休直待金星
現試問諸人金星現時如何一僧云歸家始到頭師
便打云燒脚又燒頭

小叅舉張拙秀才叅石霜霜問秀才何姓士云姓張
名拙霜云箇裏覓巧尚不可得拙從何來士忽大悟
遂述偈云光明寂照徧河沙凡聖含靈共我家一念
不生全體現六根纔動被雲遮斷除妄想重增病趣
向眞如亦是邪隨順世緣無呈礙涅槃生死等空花

撰述
佛雲和尚詩金卷八
師云石霜爲一方善知識號令不嚴被箇俗漢斬關而入窺見室家之好張拙恁麼道雖則頭正尾正仔細簡點將來大似乞兒鬻富山僧則不然旣爲善知識因甚和泥就水問秀才何姓待伊擬開口便劈脊打出汝等還見山僧爲人處麼拍案云從前汗馬無人識祇要重論蓋代功

小叅舉龐居士叅南嶽石頭和尚問不與萬法爲侶者是甚麼人石頭以手掩其口遂有省一日石頭問曰子見老僧以來日用事作麼生士曰若問日用事卽無開口處乃呈偈云日用事無別惟吾自偶諧頭

頭非取捨處處沒張乖朱紫誰爲號丘山絕點埃神通并妙用運水及搬柴山僧要與諸人爲證據更添箇注脚日用事無別信手拈來惟吾自偶諧天上天下頭頭非取捨識法者懼處處沒張乖左右逢源朱紫誰爲號滿眼非色滿耳非聲丘山絕點埃全體獨露神通并妙用少賣弄運水及搬柴騰騰任運任運騰騰大眾龐居士已被山僧收下了也諸人脚跟下從朝至暮也須照管始得

七夕小叅我宗無語句亦無一法與人還有鑑在機先者麼漢時有箇張騫於七月七夜偶然乘槎不知

撰述
物雲和尙詩鈔卷後
十一
到甚所在唯見一女授一石云若到成都問賣卜嚴君平便自知得騫卽持回訪君平平曰此乃織女支機石也騫持此石頓覺驚異騫豎拳云此箇亦然平常人人受用驀然於一機之中一言之下逢人點破便自覺奇特敢問大衆此箇畢竟喚作甚麼不逢別者不開拳一遇知音便分付

小叅舉僧問古德年窮歲盡時如何德云東村王老夜燒錢師云古德恁麼答話雖則應時應節大似推車向壁沒箇轉身若有問古南年窮歲盡時如何但云來年更有新條在憎亂春風卒未休

小叅一冬又一冬一制又一制時節不相饒光陰如箭去記得當初老趙州道在南方火爐頭有箇無賓主句直至如今無人舉且如何是無賓主句良久云莫隨事逐眼前過須信老從頭上來

冬夜小叅舉僧問踈山如何是冬來意山云京師出大黃師云若有問古南如何是冬來意祇向道村中米賤乃云京師出大黃時節恰相當村中米賤時人共見聚首片時面面相覷被位煖烘各請歸堂去立春小叅五九四十五窮漢街頭舞舞卽舞尙有春風四十五若作世諦流布一卷好經被歪嘴和尚念

壞畢竟如何噴噓一下云春朝打噓百事大吉

小叅舉趙州示衆云金佛不度爐木佛不度火泥佛不度水真佛內裏坐師云趙州老漢放去較危收來太速雖然如是大煞分疎今日檀越送銅佛入院不用教他度爐且暫安堂中供養忽有箇漢出來道真佛聲只向他道切忌担目

小叅舉巖頭上堂云吾嘗究涅槃經七八年覩兩三段義似衲僧說諍又曰休休時有一僧出禮拜請舉巖頭曰吾教義如八字三點第一向東方下一點點開諸菩薩眼第二向西方下一點點諸菩薩命根第

三向上方下一點點諸菩薩頂師云巖頭七八年看教指東畫西原來未會在乃信手點云敢問諸人山僧點箇甚麼有僧進語師云去無汝啗啄分

小叅出門三箇月歸值中秋節月照世間人人看天邊月人月相照看都來無間歇靈山話月曹溪指月敢問衲僧家畢竟喚甚麼作月良久湧身云不得辜負病僧好

小叅舉僧叅趙州州云曾到此間麼僧云不曾到州云喫茶去又僧叅州云曾到此間麼僧云曾到州云喫茶去院主問云和尚如何曾到也教伊喫茶去不

曾到也教伊喫茶去州云喫茶去師云趙州前後教
僧喫茶去雖則事出偶然大要不失住持之體院主
隨後問將恐埋沒古佛自家屋裏杓柄重新論量可
謂善爲輔弼祇如趙州復向院主道喫茶去又且如
何綠陰不減來時路添得黃鸝四五聲

小叅舉洞山示衆云秋初夏末兄弟家東去西去直
須向萬里無寸草處去祇如萬里無寸草處作麼生
去師云洞山推人上陣山僧借鼓行兵只今臘盡春
初兄弟家東去西去直須向清寥寥白滴滴無過古南院
或有箇漢出來道若論清寥寥白滴滴無過古南院

裏山僧道既然如是莫嫌野外無供給乘輿還來看
藥欄

住破山小叅舉高峰示衆云海底泥牛脚月走巖前
石虎抱兒眠鐵蛇鑽入金剛眼崑崙騎象鷲鸞牽此
四句內有一句能殺能活能縱能奪若人簡點得出
一生叅學事畢天童老人拈云高峰之句不妨奇特
只是不經簡點師云簡點不妨簡點只是無甚奇特
山僧今晚亦有四句五更撞鐘腳落地三通接板狗
子吠二時粥飯濕匙筋半夜放叅霜點被此四句中
有一句全用有一句全體有一句全體卽用全用卽

體有一句體用雙忘騰騰任運任運騰騰若人簡點
得出便請歸家穩坐

小叅舉華嚴休靜禪師在洞山作維那一日普請靜
白槌云上間鋤地下間搬柴時首座問云聖僧作甚
麼靜云當堂慵正坐那赴兩頭機師云古人爲道不
拘名位不執尊卑啓迤後昆見到說到今日山僧問
直歲普請作甚麼直歲云前堂擔米後堂搬柴此與
古人普請規範無二無別但當堂慵正坐那赴兩頭
機此一轉語汝諸人還親切見得也無此不是逞驢
唇馬嘴乃是實見實證底事還會麼須識取聖僧始

得

謝知浴小叅舉南泉一日問浴主今日燒浴須請水
牯牛浴浴主應諾少間浴主進方丈向南泉云請水
牯牛入浴泉云將得繩索來麼浴主便扭南泉鼻走
泉云是卽是太龕生師頌云麻索長來井亦滾動絃
別曲在知音可憐只是尋常事多少時人向外尋
小叅一拽石二搬土發機須是千鈞弩驀拈拄杖云
山僧今晚盡娘生力發一機遂擯下杖云還有著身
者麼有卽喪身失命無卽有眼如盲

小叅西來祖意直截分明一句截流萬機寢削不見

雲門普請次抛下一束柴云一大藏教祇說這箇你諸人還向者裏著得言句麼說得凡麼說得聖麼說得向上麼說得向下麼說得德山棒麼說得臨濟喝麼說得偏麼說得正麼說得菩提涅槃麼若祇胡喝兩喝唐突兩句恁麼喚作不識好惡漢有甚交涉古人道諸子莫記言記語以當宗乘叅須實叅悟須實悟而今還有實悟底麼良久云洎合停囚長智

冬至小叅今之夕羣陰極潭影藏山光黑無足之人欲夜行往往扶籬兼摸壁唱唱咄咄叅玄客千言萬語喚歸家艱辛休向途中覓如何是到家消息幾箇烏

鴉殿角棲一雙白鶴松邊立還會麼歸堂喫茶去

小叅舉僧問南陽忠國師如何是古佛心國師云墻壁瓦礫諸人還信得及麼若信得及砌墻壁拾瓦礫不妨日日與古佛相逢若信不及此墻壁瓦礫如何理會忽有箇漢出來道破山幸是作家宗師不可被語脉轉山僧刮目相待擬議不來劈脊便棒

小叅舉僧問趙州萬法歸一一歸何處州云我在青州做領布衫重七觔師云趙州古佛言不虛發仔細評量那裏布衫有七觔重又不知是甚麼秤秤過是淨色是染色且者件布衫不知是長是短又不知你

我穿來稱身不稱身據山僧所見今晚一總交還他
趙州好何故不見道借人衣不敢披拈起衫袖云雖
然顏色舊不若自家底

小叅五日一放叅五日一見客舊例要還他說黃兼
道黑種瓜必得瓜種豆還得豆果報一無差自作須
自受祇如善財童子經過一百一十城叅五十二員
善知識末後歸來成得甚麼邊事雨打風吹筋骨露
普光明殿大家行

小叅舉臨濟示衆云第一句薦得堪與佛祖爲師第
二句薦得堪與人天爲師第三句薦得自救不了山
僧則不然第一句薦得虛空壁立第二句薦得額頭
汗出第三句薦得開眼見賊諸人還薦得麼天地懸
隔

小叅秋熟分外熟好用犀牛扇信手取將來諸人見
不見若也見雖日日在熱惱場中不離清涼世界其
或未然儘你住在水晶宮裏也被火雲燒殺

小叅明修棧道暗度陳倉金鉞不動繡出鴛鴦汝諸
人叅禪莫叅小架子禪如擔土填坑東積西積忽遇
水來不覺漂去須叅堅固禪如西欄臺石相似擔泥
底擔卻三轉四轉臺石祇得一塊雖得一塊置在水

撰述
牛雲和尚言金卷一
七
邊撼搖不動雖然如是未得燥脾胃要得燥脾胃須
叅出格禪如汝諸人見擡小石有不稱意直上山頂
東覷西覷忽見塊極大石大家踴躍便將箇鐵楸子
左掘右掘越不動越要掘奮然盡力一掘不覺掘動
者石遂自圓轉滾到者邊峰上以拄杖擊左邊僧一
下又滾到那邊墩上又擊右邊僧一下汝諸人見石
自解動了一時拋了繩索大家拍手道好好其石直
滾到地上著實震地一響遂大擊一僧頭云會麼獅
子兒莫迷癡笑看結角羅紋處鐵眼銅睛不易窺
小叅臘月初七喫茶已畢燭殘香燼明星欲出普請

諸人歸堂衲被蒙頭穩睡安息莫待明星落在眼中
何故丈夫自有冲天志莫向如來行處行

除夕小叅舉潭州北禪智賢禪師歲夜示衆云年窮
歲盡無可與諸人分歲老僧烹一頭露地白牛炊黍
米飯煮野菜羹燒楮火大家喫了唱村田樂何故
免見倚他門戶傍他牆剛被時人喚作郎便下座歸
方丈至夜滾維那入方丈問訊曰縣裏有公人到勾
和尙師著云事發也賢曰作甚麼師著云作賊人心
虛維那云道和尙宰牛不納皮角師著云有甚麼公
驗賢遂將下頭帽擲在地上師著云者老牛元來宰

不死維那便捨去師著云上手是財賢跳下禪牀攔胸擒住叫云賊賊師著云賊無種相鼓弄維那將帽子覆賢頂云天寒且還和尚賢呵呵大笑維那便出去師著云笑殺旁觀時法昌爲侍者賢顧昌云者公案作麼生師著云那裏落節者裏拔本昌云潭州紙貴一狀領過師著云勿使外人聞復云北禪與維那將佛法恁麼遊戲且道三藏十二部那一部收若非達磨老子來那得有者等快暢底佛法汝等須知祖師恩始得雖然北禪旣作出家人又何貪者點血肉且使宰牛之名落在叢林甚爲不美山僧今夜自不

設一物卻有山主將細果清茶來分歲山僧與大眾坐飲一巡歸到方丈不曾作分外事心頭安穩又省得維那入方丈勞攘大眾且道古人因甚恁麼山僧因甚不恁麼還會麼曹溪波浪如相似無限平人被陸沉

牧雲和尚語錄卷第七

撰述
牧雲和尚語錄卷第八

牧雲和尚語錄卷第八

示衆上

姑蘇西華山秀峰寺門人行瑋等編

古南開爐示衆山僧今冬不期到此間衆兄弟亦不期到此相聚旣到此相聚須看作一件大事古人云參禪無秘訣只要生死切蓋參禪以生死爲正因何謂生死只如現今道是箇人且道已前從甚麼處來還是從天中來人中來三塗中來牛馬中來只此不明便是生不知來處一報之身如風中燭相似不是久停之物死後又不知向甚麼處去還從天中去耶

支那

牧雲和尚語錄卷第八

一

異地
中雲和世語金卷八
一
人中去耶三塗中去耶驢馬中去耶既總不知豈不是生死是一件大事無量劫來纏縛要向此時擺脫豈可作容易想虛閑過時如今衆中或有諸方叅歷過底不妨藏牙伏爪溪蓄厚養或有初發志底不可不痛自奮發放下萬緣討箇明白古稱叢林爲陶鑄聖凡養育才器之地若是不祥之金又安可入作何故今時叅學大病在不揣自家見地何若操履何若品節何若以欲速爲人只管要師家肯他此是第一種不祥之金其次雖得些螢火之光便自坐定逢人亂道拶著亂喝亂荅古人所謂開口不知語路踏步

不知高低亦非法器其次初心發志或看過古人教人叅死話頭縱到知識會下胸中牢執恐鈍置伊向活處指他反謂無把柄不受陶鑄亦是不祥之金其次或曾歷講席於名言理路得些意味遂不肯扣已實叅殊不知意下丹青暫時可羨如何敵得生死又其次雖然者邊經冬那邊度夏視叢林爲驛舍三兄四弟人情習熟道念自然生疎總之打初無了正因奔走到頭無箇結束此是不祥中更不祥者所以要擔荷此事須具得紹隆佛祖底志氣始得佛法無多子久長難得人十年二十年決欲到古人田地始得

若是小根小器如何承受得譬如雨露無所不潤難滋焦芽敗種日月光明到處洞達難照覆盆之下以非其器故非是佛法無靈驗衆兄弟須各各珍重荒歲除夕示衆監院問世界如此荒自古大修行人值此荒世界也無師云大修行人始入此荒世界不見當時釋迦老子捨輪王位直入雪山冷坐且道其時還有錦衣玉食也無旣無錦衣玉食豈不是第一箇入荒世界大修行人然則冷地看來古人捨世榮入山林不免要去此就彼今世界如此荒且喜大衆不煩動著直下便是雪山直下便是深山巖崖不須

去此就彼直須向者裏安分修行去雖然又須知此荒世界卽是不荒世界若但知荒世界將何自利將何利人若知此荒世界便是不荒世界耕鋤任你耕鋤布種任你布種從上諸聖無不向此不荒世界收因結果利濟羣生所以云法王法力超羣生恒以法財施一切恁麼看來可知荒世界因人分上而有不荒世界也因人分上而有祇如荒世界與不荒世界拈過一邊當人分上作麼生久立珍重

住棲真示衆法無定相遇緣卽宗山僧今年天童掃塔雪竇度夏意待時節平靜一登天目雙徑卓箇山

庵作退隱計忽承此方道信邀住梧山古寺自入院來遠近施主屢請開法又蒙諸山大德運助鹽醬相湊什物衆雖不多已成叢林規模然何名叢林譬如小丘小阜所生樹木亦小不多何以故以非生材之地故若是高山溪谷所生之木皆合抱千尺何以故乃是生材之地故然彼山谷初無意於生材而林木自然而生菁葱蓊鬱仰止可觀此則名爲叢林也然又須知高山溪谷雖能生材亦以人傑則地靈譬如山僧未來此山禪和家鼻孔遼天動是天台南嶽那肯到此瀕海破寺今特特著草鞋祇爲知得山僧在

此曉得山僧是箇主張宗門底人所以不期而集豈不是處所以十方共聚故名叢林而禪和家又必嚮知識之風方始遠遠而來豈非地以人靈乎又高山溪谷祇能產世間所用材木而不能產法材所以古人道叢林者乃陶鑄聖凡養育材器之地今汝輩相依在此果能精心向上歲久月滋自然成大材大木法門棟梁人所仰止豈不是山僧卽是能產法材之高山溪谷乎而汝輩卽睦州所謂向後成一株陰涼大樹各各陰覆天下人去也珍重

示衆善知識無家以叢林爲家十方衲子無家亦以

叢林爲家蓋善知識以叢林爲家者本爲蓄養衲子
續佛慧命衲子亦以叢林爲家者本爲親近知識發
明大事故衲子尊知識爲師知識視衲子爲弟子尊
爲師有父道焉視爲弟有子道焉旣父子共住管理
家業爲子者自當知得我父山場許多在某處田園
許多在某處乃至家私什物共有許多又當照管某
山柴該養某山柴該斫某田該種某地該鋤不使荒
蕪界限一一分明收藏一一牢固此真克家子也縱
使其父後日過世人無議不能侵占何故蓋爲父
子一體父之家業子自然有分亦爲子平日肯照管

得清楚不致忘失設使雖在其父蔭下自不竭心山
荒也不管地荒也不管無菜蔬喫也不管無柴燒也
不管乃至杓柄長短家中事問著一總不知此子決
不能向後紹父家業也何故爲伊全靠著其父過日
稼穡艱難出入經紀全不操心向後總把家業與他
祖父田園四至界限都不能分曉又如何承當得去
所以拋家失業自甘作箇客作賤人你要知克家之
子麼從上大有樣子楊岐於慈明三十年任監院是
也雲峰於大愚冒寒化米化炭是也演祖於白雲充
磨頭是也佛眼大慧享大名於天下然在學地俱充

化士奔走途中得益乃至雪峰飯頭瀉山典座此纔
入叢林者皆知得不必更舉

示衆舉百丈示衆云汝等爲我開田我爲汝等說大
義衆開田畢請說大義丈乃展兩手師云山僧者裏
雖然結制日日普請勞煩大衆豈可不說大義遂展
兩手云還有識得此義者麼今時有兄弟不得悟頭
遂云動轉施爲無非者箇有道堂堂獨露又有道和
尙也恁麼某甲也恁麼有底喝一喝或拂袖而去或
向四大五蘊中認箇主人公又有道天寒請和尚通
袖此皆情塵未被智眼未開若總不是畢竟如何理

會著意種花花不活無心栽柳柳成陰

謝知浴示衆當時楞嚴會上文殊選圓通跋陀尊者
出衆云我因入浴時自家叅詳既不洗塵又不洗體
中間安然得無所有便證圓通今日知浴燒香水供
養諸人諸人各各入浴各各自謂洗去塵垢洗淨身
子還會會得既不洗塵亦不洗體也無若向者裏有
箇分曉汝諸人便是釋迦老子釋迦老子便是汝諸
人共入圓通其來久矣設若左洗右洗上摸下摸無
箇分曉不惟孤負釋迦老子孤負跋陀尊者且孤負
知浴并香水浴池去也佛法無多子請試叅詳看

除夜示衆大都時節有春夏秋冬乃是一年盡處正如人身有生老病死是一生盡時臨終之際若道眼不明未免手忙腳亂如落湯螃鱉極是苦楚真正叅學人須平常預辦手脚有箇分曉始得此是瞞心不得底事各各試自照察看還得穩當也未記得當初北禪賢禪師除夜示衆云年窮歲盡無可與諸人分歲烹一頭露地白牛炊黍米飯煮野菜羹大家唱箇村田樂此公案諸人透得也未若也透得便見古人留下一言半句皆是赤心片片指人了生脫死可惜山僧者裏不然露地白牛影也不見只見村前村後

野牛日日來偷菜喫若不東趕西趕今夜一莖菜也沒有與諸人分歲雖然且爲諸人斷此公案去也北禪烹牛分歲甚是富貴但口頭說得甜未免引人迷頭狂走山僧今夜從空出手爲諸人把定鼻孔不容絲毫走作乃召衆云水牯牛請茶

掃洞聞和尚塔坐斷破龍岡好箇無縫塔兒孫蟄蟄今來繞必三匝大衆此是我先洞聞和尚歸根宴寂之處憶某打初出家劈頭撞著晨叅暮請冷地將金剛屑糝在粥飯裏不覺吞卻直得十餘年攪腸攪肚不得休歇末後瓦解冰消轉思一上本是好人被他

撰述一
列雲和尚詩金卷八
毒害脚恨不忘今日特地歸來無物可獻白雲爲蓋
流水作琴總是現成供養次拈瓣香聊薰鼻孔何故
娑羅林福城際寃有頭債有主身前身後兩茫茫願
得巾瓶永瞻侍

示眾先佛法門如河沙數或修定或修慧或修淨念
大約不依二乘偏見不落外道異執始爲佛法中道
此宗門一事又教外別傳惟上根利智一超直入山
僧尋常將拂子東點一點學人道不會西點一點又
道不會復將拄杖向東打亦道不會又向西打總道
不會山僧道汝但向不會處會學人云只是不會將

何究竟山僧道有箇切近譬喻說向你終日灘頭坐

一日過九灘

解制示眾羸弱多年一病牛牽犁拽耙幾時休土膏
雖潤平疇潤最怕春風又起頭

示眾山僧到鷹窠山一月方回去時祇帶得數人去
不得去者未必不疑著鷹窠山境界如何必與者裏
不同卽今已到者不必說未到者不免說向你山中
有箇獅子巖日夜哮吼合掌石終日南無隔海望去
有箇下蓋山蓋在海面或上或下或沉或浮全無定
相者便是與此間不同底然而山僧在者裏兩粥一

飯到那邊也只兩粥一飯者裏夜間睡一覺到那邊也。只睡一覺者便是同底。你諸人若向同處薦得便。可常在家中不須行脚。若向不同處薦得便可遊行。十方向無佛處作佛。無法處說法。開一切人眼。雖然且道同與不同底。相去幾許。任從滄海變。終不與君通。

解夏示衆舉洞山云。秋初夏末。兄弟家東去西去。直須向萬里無寸草處去。有僧傳至瀏陽時。石霜晦跡於此。便云。何不道出門便是草。洞山聞之云。瀏陽有古佛出世。大衆洞山石霜發明此點根源。即使過去。

莊嚴劫千佛也。提不到未來星宿劫千佛也。說不及山僧見處也。要諸人共知。客舍并州已十霜。歸心日夜憶咸陽。無端更渡桑乾水。卻望并州是故鄉。

示衆舉崔趙公問徑山國一欽禪師。弟子欲出家。得否。欽云。出家乃大丈夫事。非將相之所能爲。崔趙公從是有省。師召云。大衆世間勲業。至將相爲極。則祇如安邦定國。變理陰陽。是何等經綸。何等作用。因甚要爲出家人。便不能且出家人。有甚長處。還知麼。且聽山僧胡亂註解。須知出將入相。高爵榮名。乃是世間人情所尙。底因其所尙。十年窻下。三冬螢火。勞心。

撰述
苦志一往直前祇爲平步青雲揚名四海全家天祿
陰子陰孫便有許多尊崇許多榮寵所以驚天動地
非常事業皆從此奮發出來出家是箇冷淡法門乃
是世間人情所不向底卽如父母極是至親骨肉一
旦出家便要割絕身體髮膚便要毀壞又如人無子
尙要向佛廟裏燒香神前禱告設或有子一旦出家
便要拋卻至於室家之愛最重最親又難言矣到者
裏若無決烈金剛手段無巨靈神斧子一座愛關何
能劈破卽如項王力能拔山至於垓下未免有虞兮
之泣所以云出家乃大丈夫事非將相之所能爲雖

然出家雖是冷淡法門若從是勇猛向上成辦道業
自覺覺他利己利人亦有蓋天蓋地非常事業表彰
於世從上大有樣子試舉看釋迦世尊初未得道在
淨飯王宮不肯坐金輪王位夜半踰城雪山六年苦
行忽于夜半覩明星悟道見大地衆生同時成佛乃
歎曰奇哉奇哉一切衆生具有如來智慧德相但以
妄想執著而不證得大小世尊恁麼說話大似太羹
玄酒中撒把鹽致令後代兒孫無繩自縛不敢出頭
雖然如是棄捨國榮入山修道示世無常乃是第一
箇開天闢地底大丈夫所以十號中稱渠調御丈夫

還有麼達磨大師未出家時爲香至王第三子二十七祖般若多羅尊者受其父王供養王施寶珠尊者欲試其所見乃問第一王子曰此珠圓明有能及否第一王子曰此珠七寶中尊無能踰也次問第二王子所答亦然最後問達磨大師曰此是世寶未足爲上于諸寶中法寶爲上此是世光未足爲上于諸光中智光爲上此是世明未足爲上于諸明中心明爲上般若多羅歎其辯慧遂令出家付彼法紹祖位大眾相傳達磨大師自梁歷魏被流支三藏打落當門兩齒那知未來東土早缺了也何故如是說話豈非

口不關風雖然如是棄國如敝屣破六宗傳法印遠踰沙漠爲法求人豈不是西來一箇大丈夫還有麼六祖慧能大師初爲新州樵者一日過市中聞客誦金剛經應無所住而生其心有所感悟遂之黃梅抵韶州有尼讀涅槃經卽爲解說其義尼執卷問字祖曰字卽不識尼曰字尙不識曷能會義祖曰諸佛妙理非關文字尼驚異之後雖受五祖衣鉢爲祖師山僧道到底是箇擔板漢何故華嚴經中道文隨義義隨文六祖解義卻道字卽不識豈非只見一邊是箇擔板漢尋住曹溪開東山法門以一枚樵夫傳持祖

位超群拔萃古今瞻之仰之豈不又是一箇大丈夫
還有麼臨濟在黃檗會中三年行業純一睦州謂之
曰汝曾向堂頭和尚問話麼濟曰未也不知問箇甚
麼山僧道好臨濟大師若能把住此語盡古今宗師
無不望風納欵高豎降旗無端被睦州教壞問二次
話喫三頓棒末後向大愚肋下還拳也大屈哉雖然
只爲風顛漢能捋虎鬚直至如今兒孫遍滿天下喚
作一枚大丈夫也得還有麼德山在蜀中講金剛經
聞南方宗師直指人心見性成佛憤憤曰我當捋其
巢穴滅其種類以報佛恩後到龍潭至法堂曰久嚮

龍潭及乎到來潭又不見龍又不現潭引身曰子親
到龍潭山無語遂求棲止一夕侍立潭曰更深何不
下去山出復回曰外面黑潭點紙燭與之山纔接潭
便吹滅山從是大悟來日將青龍疏鈔堆法堂前舉
火炬曰窮諸玄辯若一毫置於太虛竭世樞機似一
滴投於巨壑遂焚山僧道據德山恁麼見解嗣他龍
潭卽得若到臨濟門下直須更買草鞋行腳後出世
凡見僧入門便棒果然脚跟不穩雖然如是捨短從
長萬中無一也不免許他是箇大丈夫還有麼水潦
和尚初見馬祖問如何是西來的的意被馬祖一脚

060 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

踏倒起來便呵呵大笑曰也大奇也大奇百千三昧無量妙義只向一毫頭上識得根源去後接機常曰自從一喫馬祖踏直至如今笑不休別無甚閒言長語山僧道敗也敗也露也露也水潦恁麼雖不中不遠矣只是離師太早要承嗣馬祖也大難雖然見道根蒂不帶枝葉開拓將來也是箇大丈夫所爲還有直截唱導與渠相似者麼不見真淨下有一法雲杲和尚示衆曰老僧熙寧八年文帳在鳳翔府供申當年華山崩了四十里壓倒八十村人家汝輩後生茄子瓠子幾時知得山僧道法雲所悟固是奇崛簡點將來不免平白欺人殊不知華山崩四十里壓倒八十村人家全仗茄子瓠子證明還會麼已上所舉若佛若祖乃是真正出家能擔荷大丈夫事底儀式更有不動一塵不移一步卽在塵勞中能行法門大丈夫事是謂大心凡夫此則格式拘他不得從上亦大有樣子一發舉似看宋時楊億居士官至秘監一日叅廣慧璉禪師璉曰秘監曾見甚麼人來億曰曾見雲門諒監寺問兩箇大蟲相咬時如何某答曰我只管看未審恁麼道還得麼璉曰此處卽不然億曰請和尙別一轉語璉以手作拽鼻勢云者畜生更踣跳

在士於言下大悟一日問璉曰承和尚有言一切罪業皆因財寶所生勸人踈於財利况南閩浮提衆生以財爲命邦國以財聚人教中亦有財法二施何得勸人踈於財璉曰幡竿尖上鐵龍頭億曰海壇馬子似驢大璉曰楚雞不是丹山鳳億曰佛滅二千年比丘少慚愧你看他一酬一唱控佛祖大機廓人天正眼是何等步驟廣慧固是作家宗師任他踈跳要且穿他鼻孔不得豈不是白衣中能擔荷法門事一枚個儻大丈夫還有麼李文和都尉問道於谷隱隱卽舉崔趙公問徑山出家因緣示之尉忽悟曰學道須

是鐵漢搭著心頭便判直趣無上菩提一切是非莫管山僧道國一禪師等閒垂示一語始初瞻邵崔趙公眼不合又殃及李文和都尉雖然如是一箭落雙鷗還他好手還有麼張拙秀才叅石霜霜問秀才何姓答曰姓張名拙霜曰箇裏覓巧尚不可得拙從何來拙大悟作偈曰光明寂照遍河沙凡聖含靈共一家一念不生全體現六根纔動被雲遮斷除妄想重增病趣向真如亦是邪隨順世緣無罣礙涅槃生死等空花山僧道俊哉張拙秀才遇石霜於選佛場中只爲題目出得清楚做一篇偈文果然無巧無拙無

撰述
論在家高士古今宗師無不以此爲程式考試人還
有麼宋丞相張無盡居士諱商英號天覺運漕江西
遇箇老宿質以德山托鉢語斷卻命根得大機大用
有偈曰鼓寂鐘沉托鉢回巖頭一拶語如雷果然只
得三年活莫是遭他授記來老宿印許之於法門大
作佛事凡宗師未出世者無不爲之推轂於臨終時
得大自在將枕擲門而薨敢問大衆卽如他將枕头
擲門是明末後句是明大機大用山僧道放憨作麼
者又不是居官居塵能行大法底大丈夫還有麼侍
郎張九成居士謁善權清禪師問曰此事人人本具

箇箇圓成是否清曰然士曰因甚某甲無箇入處清
出袖中數珠示之士俯仰無對清復袖之曰是汝底
拈取去纔涉思惟卽不是汝底士悚然一夕如廁究
栢樹子話聞蛙聲忽然契入有偈曰春天月夜一聲
蛙撞破乾坤共一家正恁麼時誰會得嶺頭腳痛有
玄沙山僧道九成居士旣悟便休卻攀扯人作麼若
舉似玄沙定云敢保老兄未徹在士後與諸方老宿
激揚橫機無讓及致仕居家設心檀度不爲子孫計
日輪供華嚴善知識二位又常飯僧又常供十六大
天茶杯中悉變爲乳乃書偈曰稽首十方佛法僧稽

首一切護法天我今供養二寶天如海一滴牛一毛
有何妙術能感格試借意識爲汝說我心與佛天無
異一塵纔起大地隔儻或塵消覺圓淨是故佛天來
降臨我欲供佛佛卽現我欲供天天亦現佛子若欲
生狐疑試問此乳何處來狐疑卽塵塵卽疑終與佛
天不相似我今爲汝掃狐疑如湯沃雪火消冰汝今
微有疑與惑鷄子便到新羅國師云大眾山僧歷舉
佛祖及白衣中出格漢子口勞舌費別無所圖只願
諸公跂步他古人如在霧露中行自然霑潤也爲箇
出格漢子成就大丈夫事業轟天轟地始不孤他徑
入牙

山欽禪師垂者一語徑山且置敢問諸公還知得崖
趙公悟處麼良久云屏因翫月紋生角象被雷驚花

牧雲和尚語錄卷第八

牧雲和尚語錄卷第九

姑蘇西華山秀峰寺門人行瑋等編

示衆下

舉祖師偈心隨萬境轉轉處實能幽隨流認得性無
喜亦無憂且作麼生是心隨萬境轉祇如昨日塘市
施主未出門時但見水田漠漠野鴨飛飛男婦各當
家兒童念子曰此便是村中境開了船時遂見岸轉
橋橫風帆相接低低茅屋一村過了一村來此便是
途中境將近城來又見人煙簇簇市語喧喧千門萬
戶隔河相對一箇城門千人萬人出出入入早晚不

無述
外雲不何許金老
一
停此便是城中境轉過城來問到山浜纜了船上了岸赤了腳向前直走走看走近又見白雲堆裏影現峰頭青樹林中橫出殿角此便是山中境然而境雖多種見境底無第二人只見現前歷歷孤明聽法者是此人無形段無方所迴然獨脫不與萬法爲侶所以道隨流認得性無喜亦無憂雖然如是權將黃葉暫止兒啼踏破化城又如何通信頌云雨響春山客到門溪雲羃羃午猶屯幸然打破精靈窟來去全彰不動尊

示衆仲尼相見溫伯雪文殊曾問維摩疾法鼓逢逢打不歇我要默時鼓要說三十二位老菩薩平地逼人呈醜拙抵掌共談十二門究竟同途不同轍說卽默默卽說今之古之無間然滿目知音休負屈屈屈珊瑚枝枝撐著月

結夏持鉢示衆躲懶入深村禪和又到門思量同結夏古道幸相存日長饑火逼此意向誰論且持黑漆鉢同去走紅塵且道黑漆鉢從甚處來如是我聞一時佛在舍衛國祇樹給孤獨園與大比丘衆千二百五十人俱師著語云者一隊漢隨著者黃面老子作甚麼爾時世尊食時著衣持鉢入舍衛大城乞食師

云祇者乞食法釋迦老子也不杜撰乃過去七佛儀式于其城中次第乞已還至本處飯食訖收衣鉢洗足已敷座而坐師云者老子得恁安詳得恁自在若是伶俐漢冷地覷破不待善現啓請一卷金剛經分明展演且如入屢垂手紅塵浩浩有幾許知音是處是慈氏無門無善財

端午示衆若論此事如端陽日競龍舟相似既要賽此龍舟遂便放捨餘事奮發起一片要勝人底念換了鮮明衣巾一人與他一箇槳或坐船頭或坐船尾或坐中間一人執鑼鼓口到手到心到何者口到一

人舉號衆人齊應何者手到一人動槳衆人齊動何者心到正當此時一船人惟有爭前競勝一念更無異想正所謂同心共濟以他心力齊故分明一條死龍被他弄得活了在大河裏面搖頭擺尾生風起浪左旋右轉忽東忽西變化不定更有伶俐底做出出格底伎倆或時身沒水中或時身出水上或時翹足船頭或時倒懸船尾引得兩岸觀看底人大家喝采快爽心目賞賜無恪間有心口不相應用力不到胯下也有條龍手裏也有柄槳只是要活活不來要變變不去或但知直行不知曲轉但知上前不知退後

但能近爭不能久勝便輸與人後來底看看都上前
去了者裏追不能及然心裏豈不欲勝人祇因操習
未熟反自懊恨怪人勝他殊不知學無先後達者爲
先所以道學道先須有悟由猶如爭鬪快龍舟雖然
舊閣閒田地一度贏來方始休此間窮鄉僻水未嘗
見有龍舟競渡若懸辟命符繫長壽縷喫雄黃酒過
端午又是俗氣僧家斷使不得要應者時節山僧只
得將拄杖當箇木槩撐動龍舟唱箇歌兒供養汝諸
人遂歌云世人皆濁我獨清世人皆醉我獨醒顧衆
云還醒麼果能入水見長人不必羅江弔屈平

示衆古人云三界無安猶如火宅又云三界如牢獄
要出此三界獄有三種人第一人爲逼迫苦急欲出
去不能從正門卻覓天窻壁罅中走出如穿窬之類
第二人比第一人有力量敲碎杻械打殺獄卒從大
門而出第三人更巧初入獄中與獄卒相處如親舊
一般一日寄買酒肉請者獄卒獄卒酒酣睡著乃脫
獄卒好衣自己穿著將自己衣與獄卒穿了奪取獄
卒藤條公然從大門而去汝等要知此三種人麼第
一種是二乘聲聞人聲聞人見三界真如牢獄觀身
是苦爲疾欲脫苦故斷卻煩惱卽便自出不顧餘人

第二種是菩薩人菩薩人見法無定相力量遂大故不被獄卒逼迫杻械纏縛推殺而出第三種是大智慧菩薩人見得獄卒原是好人牢獄原是好所在一切法隨人所設所以與獄卒不生異相於牢獄中亦不作苦想以其深達法相故能捉藤條從大門公然而出雖然此是教乘中事若是教外別傳出三界更有箇妙訣不必用計較不必著忙自有條直路且道是那一條路待汝等入三界時卽向汝道

示衆道人行履大難大難黃檗和尚云二乘學道人盡是向外馳求漢皆名運糞入不名運糞出今日院中運糞出汝等要不向外馳求各有各有兩箇鼻孔切忌以衣袖掩卻

示衆大海不宿死屍虛空不著五色火聚不藏蚊蚋無住法中不立迷悟汝等諸人圖叅禪悟道三生六十劫

示衆時及黃梅夜來好雨及時及節田中雖未插秧且喜有水黃瓜瓠子同時滋長蝦蟆念讚蚯蚓唱歌情與無情悉皆歡喜只有一件不喜處衲僧家貼肉汗衫脫不下通身悶熱要待天晴曬眼

示衆黃梅天忽晴忽雨野田畝半濕半乾衲子安居

撰述
卷之三
度夏農家厚水催耕各有家業各尋活計彼此不相
通彼此不相到雖然就中有箇相通處小盡廿九大
盡三十

整僧堂示衆譬如人家有座房子始初造時梁柱聳
直椽栳齊整止住其中無不安穩年湮歲久風吹雨
打不覺欹斜將欲倒地有一匠氏手段巧妙另做副
新梁新柱不移舊處將朽壞梁柱一時換出仍前堅
固觀者讚歎住是中者依舊不畏風雨坐臥適意縱
經千年萬年更不畏他倒塌祇爲他識得脫梁換柱
法叅學人亦如是兩腳著地便是柱脊骨便是梁三

百六十骨節如椽栳相似彼此牽連上下相倚然當
盛年如初造房子容止可觀見者仰羨不知此身是
無常相年湮月久壯年過了不覺病生老相隨至呻
吟牀席行步踈蹶譬如房子將頽當此時節須得亦
有巧心妙智能轉換他始得法華道是朽故宅屬於
一人莫待病來老來死來一時倒地要扶扶不起要
救救不得前路茫茫虛生浪死豈不可惜有理會得
者麼如何是你身上脫梁換柱底意若也會得出生
入死便無怖畏

除歲示衆今宵臘月三十日舉世都稱送除夕惟有

道人歲月忘不循知見起生滅所以天依舊是天地
依舊是地山依舊是山水依舊是水東依舊是東西
依舊是西南依舊是南北依舊是北日月星辰依舊
是日月星辰森羅萬象依舊是森羅萬象是謂是法
住法位世間相常住若恁麼見得徹去去年卽是今
年來歲又同今歲又送箇甚麼昨日宛如今日來宵
又同今夜又除箇甚麼卽如諸人生長南京北京浙
江江西雖則姓氏族里軀命各各不同於尋常時未
免屎急要屙尿急要撒至於今夜未免屎急要屙尿
急要撒豈特今夜直至來年更來年盡未來際也未

免屎急要屙尿急要撒又送箇甚麼除箇甚麼山僧
恁麼說話可謂潑狼潑籍若是明眼衲僧笑破他口
雖然因慈悲之故有落草之談旣承諸人勤請未免
應箇時節當初北禪賢禪師于除歲示眾云年窮歲
盡無可與諸人分歲老僧烹一頭露地白牛炊黍米
飯煮野菜根燒榾柮火大眾喫了唱村田樂何故免
見倚他門戶傍他牆剛被時人化作郎師云北禪恁
麼說話只解護末不解慎初正是倚牆傍戶且喜山
僧者裏出他一頭地且那裏是出他一頭地處少問
知浴長老設茶大眾辭年了向大殿上咬嚙去

撰述一
性學未作詩金卷九
示衆舉仰山夏末上瀉山問訊瀉山問子一夏不見
上來在下面作何所務仰云某甲在下面鋤一片畝
種一籬粟瀉山云子今夏不虛過矣仰卻問瀉山和
尚今夏作得箇甚麼瀉云日中一食夜間一寢仰云
和尚今夏亦不虛過師云瀉山父子說話只可自知
說向外人半信半不信鶴林寺裏可惜無田若有田
種收得一籬粟自然人也說一夏不曾空過大概世
間人說不空過全在做得兩件事業上瀉山一夏但
日中一食夜間一寢不曾做得一件事仰山說亦不
空過世間誰人肯信舉出直是好笑若只日中一食

夜間一寢者樣事業不消去做又阿誰做不來豈但
瀉山做得來第一山僧也做得來第二禪和子盡做
得來何故山僧因血氣衰一夏懶得上堂只圖日間
喫飯夜間打眠所以與瀉山說話極是相投何故禪
和子盡做得來而今禪和子聞普請怕出坡若只要
他日中一食夜間一寢又那箇不歡喜那箇不承當
雖然鵝王擇乳素非鴨類且莫放過瀉山老子

示衆舉無著禪師遊五臺至金剛窟見一老人喫茶
次老人拈起玻璃盞問南方還有者箇麼著云無老
人云旣無尋常將甚麼喫茶著無對師云大凡行腳

撰述一
此字系何言金卷九

須具行腳眼若不具行腳眼纔上人門戶便被漫天網子罩卻此行腳眼又謂之道眼照天照地也是此眼奔南走北也是此眼了生脫死也是此眼明察秋毫也是此眼權衡佛祖也是此眼見機知變也是此眼決斷是非也是此眼此眼不開走到作家面前青天白日如生盲人相似一步也動不得無著遊五臺是也此眼本開從南方到北方步步不錯到金剛窟也不錯老人好意寒溫待他他也曉得也不錯及乎舉玻璃盞子問云南方還有者箇麼便被老人換卻眼睛倉忙答云無豈非其眼本正被物所轉水乳不

分說他具行腳眼不得說他道眼明白不得然而此眼究竟不曾遮蔽可惜許撞牆撞壁老人如慣相撲底人先做箇手勢見不能招架他一拳又打來其時無著莫道手也動不得連口也都開不得了做者等行腳人好不契虧敗盡南方人體面卽今還有救得無著者麼不妨與南方人立箇架子設不能救你者一隊漢盡是生盲人行腳眼在甚麼處有僧云請和尚代一轉語師云我替你不得我若開口你輩便倚牆靠壁也說些相似話支吾過了無師智自然智再不得發現所以且聽你胡說亂說待你統到知些好

撰述
中雲和詩金卷九
九
惡識些廉耻時爲你點化如今且吟首古詩消遣故
園今在灞陵西花裏逢君醉不迷小弟隣庄尙漁獵
一封書寄數行啼

新秋示衆昨夜井梧飄一葉驚秋至鶴林山裏人一
一皆相委時節不相饒光陰疾如駛山僧衰病軀能
有幾時住一夏無佛法汚你諸人耳尙覺口業多喊
罵不會止醍醐與毒藥隨人自領去聖制無定規長
短亦何異安居過六旬也喚有終始文殊未見來迦
葉椎不舉山僧到者裏縮手不得疾行此令去也拈
拄杖一時打散

晚參

舉德山晚參師云末後一段卽不問汝諸人只如德
山道今夜不答話問話者三十棒者三十棒作麼商
量若道答話德山又道今夜不答話若不答話三十
棒落在甚麼處有道德底便出來道與德山相見若
道不得山僧今晚爲古人出氣去也遂拈拄杖一時
打散

臘盡晚參兼示化主舉世尊召文殊入門文殊云我
不見有一法在門外云何令我入門師云此箇公案
古南初看大似世尊封疆楚漢文殊函蓋乾坤及乎

撰述
中
子
細推詳世尊縵天網子信手撒來文殊雖盡力擺
脫鈎線終出世尊網子不得雖然世尊亦出文殊網
子不得正所謂彼既丈夫我亦爾基逢敵手師勝資
強各各具大人體裁大人變化只如諸人分上還信
有此竒特事應卓杖云但願春風齊著力一時吹入
我門來

晚叅師云想多成夢山僧只爲平日與衆兄弟提直
指單傳慣了今早五更睡著夢到一所在殿閣莊嚴
諸佛雲集皆坐寶獅子座大眾圍繞時諸佛爲諸菩
薩說五十五位妙修行路十信十住十行十回向十
地乃至等覺妙覺從因至果一地二地有許多神通
妙用山僧夢中作主不來遂被伊轉去默默道我尋
常只說我宗門事爲極則無能過者如此法門那裏
曉得正作是念殊不知達磨祖師在冷地不甘從座
而起向諸佛道諸佛世尊你等佛法只好在大明國
裏說切莫教壞人家男女於時諸佛異口同音憤憤
對達磨大師云我大明國裏佛法只如此你從西天
過來有甚長處達磨大師道我惟直指人心見性成
佛不立文字言猶未了忽見有箇漢古古怪怪當頭
便喝山僧遂煩惱那來阿師如此狂妄觸忤祖師其

時衆中有識者道臨濟大師來也山僧平日只爲仰羨他遂不敢作聲看他說箇甚麼時臨濟大師乃向達磨大師道虧你西天過來自語相違也不顧既不立文字直指便罷說甚麼心說甚麼性又說甚麼佛道了復喝一喝云如何爾時諸佛俱各默然無言可對卽達磨大師也只得吞聲忍氣臨濟大師復顧衆賣弄云你們莫容易學我喝我一喝有時如金剛王劍有時如踞地獅子有時如撥竿影草有時一喝不作一喝用夫說法者須一句中具三玄門一玄中具三要有權有實有照有用有時先照後用有時先用

後照有時照用同時有時照用不同時是爲四照用有時奪人不奪境有時奪境不奪人有時人境俱奪有時人境俱不奪是爲四料簡正說得好又驀忽見老洞山從背後走出來道大師大師你也得恁麼龍頭蛇尾雖然你旣說了許多數目我也說些數目遂說五位君臣五位王子內紹外紹乃至正中偏偏中正正中來偏中至兼中到山僧聽了如飲醇醪通身踴躍歡喜於夢中復作夢云尋常夢中做得好偈頌醒來都忘卻了如今許多佛法須切切記憶夢到其際不覺單上衣服掉地五更霜冷脾氣觸發腹中作

響夢中又不知不覺信手去摸衣便爾醒來只管自
悔悔箇甚麼悔者好夢不曾做得了有僧纔出師云
且道諸佛說底是祖師說底是僧無對遂自頌云見
佛聞法好夢頭衣裳掉地没人收寒氣逼來腸肚響
忽開兩眼一場愁

牧雲和尚語錄卷第九

牧雲和尚語錄卷第十

姑蘇西華山秀峰寺門人行瑋等編

普說

除夜普說今夜是臘月三十日當初北禪賢禪師烹
露地白牛與大眾分歲雪巖欽和尚炊獨角泥牛與
大眾分歲者兩頭牛山僧向來不會畜得今夜只將
世間現成時節花劈來與諸人分歲大凡時節有箇
起頭時有箇盡頭時有箇轉頭時祇如一日十二時
半夜子便是起頭時子了丑丑了寅寅了卯直至於
亥便是十二時之盡頭時又如十二時爲一日自雞

三鳴後顧瞻東方已有精色謂之曉便是一日之起頭時既而蒼蒼涼涼萬戶俱闢日輪東升謂之旦漸升漸高日輪正中罄無側影謂之盡漸漸向西謂之晚日落西山萬戶俱閉謂之暮便是一日之盡頭時又如一月三十日初一謂之朔日便是一月之起頭時初二爲旁死魄初三爲哉生明是後月光漸出至十五夜日月相對謂之望十六爲既生魄是後月光漸虧小盡念九大盡二十謂之晦此便是一月之盡頭時又一年十二月新正第一日謂之元日村村喧爆竹戶戶換桃符普天之下陶陶焉熙熙焉村童野

老新衣新帽拜年拜節便是一年之起頭時其富足之家拜節過了張燈作樂慶賞元宵正月不覺眨眼過了交了二月三月百花爛熳而開楊柳垂垂而綠鄉城人士又各乘時玩賞山邊水邊歌船酒船竟日留連不得春風花不開花開又被風吹落倏忽春盡夏來紅稀綠暗大家小家又各蠶桑底蠶桑插秧底插秧戽水底戽水祝願三日風五日雨望其田苗之碩鋤禾日當午汗滴禾下土誰知盤中餐粒粒皆辛苦稼穡之艱難如此然正當三伏流金鑠石汗流浹背之時不覺一葉落天下秋瞬息間又霜露果熟築

場圃了也納禾稼了也天氣上騰地氣下降立冬了也一之日盛發二之日栗烈看看又是臘月三十日到來者便是一年之盡頭時古人多以喻叅學人四大分散臨終底時節何故祇爲人生世間一期報身亦有箇起頭時亦有箇盡頭時據世所見出母胎是起頭時殊不知最初一念染心入母胎中認赤白二滯便是起頭時了也在母腹中七日一變肉團子漸漸堅凝十月滿足出母胎來懷抱乳哺謂之襁褓時能落地走動謂之孩提時髮垂齒換謂之髫髻時血氣未定謂之童子時血氣方剛膚腠潤澤謂之成人

時及其老也血氣旣衰形色憔悴精神昏昧髮白面皺肉團子不覺朽廢無用大似瓜熟蒂落此便是一生盡頭底時節此猶論大槩其間亦有孩提時而殤者童子時而夭者成人時而凶短折者真所謂人命無常呼吸難保如是看來豈不是日日是臘月三十日時時是臘月三十日豈待今晚是臘月三十日日日是盡頭時時時是盡頭時刻刻是盡頭時息息是盡頭時叅學人若人人知有箇盡頭時時時念有此盡頭時世緣自然輕修行心自然生自然不戀好居處不念好衣好食便思博問先知千里萬里瞻風撥

無道
草拚身捨命事善知識雖然若不知有箇轉頭時生死不能出如何是轉頭時例如人定亥爲數之極處然亥陰極處子陽便生便是時之轉頭紅輪漸漸沉西去天下黯黑將謂盡於蒙汜不知又出扶桑便是日之轉頭小盡念九大盡三十月光於晦似死於朔復蘇不死不蘇纔死便蘇便是月之轉頭卽如今晚喚爲舊歲明早又是新春豈不是年之轉頭叅學人亦然盡頭處須知轉頭時若不信有箇轉頭時便如波斯匿王未聞諸佛誨勅信迦旃延毘羅胝子咸言此身死後斷滅名爲涅槃又如莊子道大塊載我以

生勞我以形息我以老佚我以死死有甚佚不見曹谿六祖云無上大涅槃圓明常寂照凡愚謂之死外道執爲斷旣執斷執死則生死全是苦相有甚佚來所以釋迦老子問波斯匿王云大王汝身現在今復問汝汝此肉身爲同金剛常住不朽爲復變壞波斯匿王答云世尊我今此身終從變滅釋迦老子又問大王汝未曾滅云何知滅波斯匿王又答云世尊我此無常變壞之身雖未曾滅我觀現前念念遷謝新新不住如火成灰漸漸消殞殞忘不息決知此身當從滅盡大衆還知麼舉世間人最愛惜者無過此身

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

種種馳求種種積聚皆為此身當壞滅時財寶留不得分上討不得好父母救不得好師長護不得好眷屬替不得性氣強不得平昔英雄傑氣到此也只得眼閉腳直無過棺木蓋覆過了三朝五日顏色漸漸青瘀也皮肉胙脹也髮毛落掉也筋骨斷絕也穢氣遠徹莫道不相識便是平素極親愛眷屬各各掩鼻走過也不來認帳也此非生死全是苦相人生世間若貴若賤盡頭時苦境靡不若是叅學人觀此直須生大怖畏想生厭離想不然縱信得身後舍生趣生是轉頭時若不生厭離想不生怖畏想則不能發苦

提之心堅持正信真實修行即便耽染世緣隨聲逐色依舊如不知佛法底顛顛顛預預莽莽蕩蕩隨無明流入生死海永無出頭日子故山僧勸叅學人既信有箇轉頭時又須覓箇了生脫死好轉頭時只如要了生脫死好轉頭時也不難只要當人不自欺直下回光諦審諦思我今此身四大和合忽若散壞又向甚麼處生長還是生在本國生在外國生在中華生在邊地為鱗甲為羽毛為無足為二足為四足為多足若也分分曉曉心中便不著忙若不分曉觀著前路黑漫漫地茫無著落自然怕怖自然惶惶以其惶

惶怕怖未免著忙當著忙時自然覺得心中煩悶左
不得右不得要丟丟不開要放放不下如此境界叅
學人纔一想著十箇有五雙打退鼓不知正是好處
若是箇不自欺漢站定腳跟愈煩悶愈不放捨愈不
分曉愈自捱拶直下不生第二念何爲第二念分外
叅一話頭是第二念念一句佛是第二念誦卷經是
第二念持箇咒是第二念何故贊誦經持咒雖是好
事只爲解不得生死之疑要解生死之疑直須憤然
一切不顧痛自捱拶不計工程不論歲月務要討箇
分曉用志不分驀然不知不覺手蹉腳跌因地一聲

如冷灰裏一粒豆爆正恁麼時真如陰極陽生相似
臘盡春回相似死而復甦相似欲識佛性義當觀時
節因緣元來起頭時便是盡頭時初生卽有滅不爲
愚者說盡頭時便是轉頭時是法住法位世間相常
住又豈待死而後活絕而後甦當知全死全活全絕
全甦全暗全明全消全長全陰全陽全臘全春全生
全死全死全生全世間全出世間只者無常變壞之
身便是金剛不壞之體明暗色空世界直下便是常
寂光土春夏秋冬時節全體是箇無盡藏未入母胎
亦如是入母胎亦如是出母胎亦如是又豈但一生

盡未來際生亦如是雖然如是但以假名字引導於
衆生若論衲僧本分遠之遠矣不見德山侍龍潭潭
吹滅紙燭德山大悟臨濟被黃檗三頓棒向大愚肋
下還拳尚有尊宿道作死馬醫了也山僧到此也只
得袖手汝諸人擬向甚處啗啄甚處覷捕今夜年窮
歲盡事不獲已再引箇古話與諸人收因結果雲門
示衆云乾坤之內宇宙之間中有一寶秘在形山著
燈籠向佛殿裏拈三門安燈籠上雲門老漢忍俊不
禁爲衆竭力爭奈話作兩橛汝諸人何不下一轉語
看時有僧下語不契師云且歸堂

番代

師或問僧諸行無常色身還有不壞者麼真如絕相
法身還有老少也無

因解夏問僧寒往則暑來暑往則寒來不遷法在甚
處

問衲僧家者邊經冬那邊過夏到處行脚如何是行
脚眼

問古人道釋迦彌勒猶是他奴他是阿誰不用別作
伎倆道一句來

因結制問講僧經中道此無明者非實有體被人觸

罵因甚惱怒勃發

問律中以手指比丘犯波逸提當時流支三藏打落
達磨大師當門齒該獲何罪

問論中大圓鏡智性清淨即今山河大地在鏡內在
鏡外

室中問僧世尊陞座文殊白椎大衆見箇甚麼僧下
語無契者自代云曲不藏直

問僧斷頭船子下楊州甚麼人把舵僧無對
代云俱 又云衲子難瞞

問僧你前日爲甚喝我僧無對

代云早知觸忤

問僧你洗面時爲甚摸著鼻僧無對

代云沒迴避 又云某甲自不知

問湖廣僧此去漢陽不遠你作麼生會僧無對

代云某甲親從彼處來 又代撫掌云某甲地頭

和尚不識

問僧求名求名菩薩汝身是也爲甚不向兜率院去

代云某甲下生久矣 又云怕莊嚴

問僧法修以何法修僧無對師乃打

代云法華經上底

問僧不是一番寒徹骨爭得梅花撲鼻香你作麼生
代云適纔曝背來

問僧正當止靜打進門來時如何僧無對

代云免瞌睡

問僧聖僧前早晚插幾枝香僧云五枝師乃打

代云某甲是實語 代前語云早晚祇者些

問僧你日日行堂有箇無手人曾來接你碗麼

代云過 又云是伊食也懶喫 又代某甲日日

照管

問火頭誰家竈裏火無烟頭無對

代云今日柴生燒便著惱 又云和尚是甚語話

一夕師喚僧且來我不惜老婆教中道無眼耳鼻舌
身意遂扭僧鼻云者箇且道是甚麼僧罔措

代云敗也敗也露也露也

一日問華嚴堂僧南山起雲北山下雨是理法界事

法界無對

代僧便喝 又云某甲不講疏鈔

問僧我手何似佛手僧無對師云太煞惛憇

代云某甲怕方人

問僧物朗日于晝朗不朗夜月于夜朗不朗晝燈遇

日月則不朗世間何物最朗僧云惟心朗師云暗也便打 代云切 又云早知如是悔不如是 又云放和尚一著

問僧戒珍從門入者不是家珍你爲甚上我門戶僧無對師云水浸鵝卵石

代前語云特獻楚王看 代後語云和尚慣壓良爲賤

問僧米山古人道大地撮來如粟米山在那裏僧退後立師云何不過者邊來僧過前師云幸而我有移山手段僧無對

代云爭假他人力 又代云割

問僧你在堂作甚麼僧云某甲看北斗裏藏身師云南斗在甚麼處僧無對

代云斫額有分

翫月次師舉馬祖翫月公案云正當恁麼時如何衆無對 代出衆云某甲聞舉話特來

又問一僧僧無對 代以手指月云賺却多少人復問一僧僧無語 代云更深好放參

又代僧叉手云和尚前學人爭敢弄光影 又代云雖則夜涼不辭隨和尚同步

師入堂有僧默默從師邊過師喚僧云你前日喫過我棒至今何不開口僧云某甲從此不答話師云舌頭被那箇借去僧云舌動是非生師云者無前後漢便打代前語云一憑和尚塗糊

代後語擱口云總是某甲招得

問僧你穿者大袈裟作麼無對有僧代云孟春猶寒師不肯別云者老漢慣在冷地覷人

師見盲僧從法座前過問僧他眼在甚麼處僧云一盲引衆盲師不肯代云是伊撞壁便轉

又云白日鬼迷人 又云某甲欲道怕和尚拄杖

子

至晚復問衆盲人底眼在甚麼處有僧豎一指師云弄精魂漢僧便出師云盡你神通僧無語

代云確 又云也和和尚別有長處

又代前語云今日被和尚覷破 又代後語翹足云爭怪得他

師在古南冬日垂十問

問雪子落紛紛爲甚變成雨

問河路旣通楓橋船爲甚不到

問旣作邨僧理合隨緣爲甚只想山中

問一錢爲本萬錢爲利早晚時價不定爲甚滯貨不脫

問久旱逢甘雨物情皆喜爲甚石敢當只是不肯點頭

問昨日雨今日晴覆盆之隙尚可容光庭前竹子心裏日月如何照臨

問路逢劍客須呈劍且如函人矢人相遇要得投分呈箇甚麼卽得

問灸背可以獻天子大笑事因甚留在典籍問相看兩不厭只有敬亭山祇如敬亭山還具甚麼

眼

末問色斯舉矣翔而後集山梁雉鳥爲甚又撞入網中

師舉古話四則那吒太子析骨還父析肉還母然後現本身爲父母說法

師云現身且置有人道得析處分明付鉢袋子世尊一日三喚三應云無爲真佛實在我身

師云有識得老胡實處者麼試呈似病僧臨濟示衆云汝等諸人赤肉團上有一無位真人

常在面門出入未證據者看看

師云山僧愚鈍二十年叅他不出有叅得出實謂智過於師

龐居士云但願空諸所有慎勿實諸所無

師云不知他空箇甚麼

師入天童垂問

一人發真歸元十方虛空悉皆消殞此間是祖庭古

今悟道莫計因甚太白峰巍然猶在

泉眼不通被沙礙西澗沙石上下堆塞因甚清關橋

水晝夜常流

水滴雖微漸盈大器許多時雨水萬工池爲甚不滿

對機

師住古南僧問王登寶殿時如何師云天下太平僧禮拜云謝師指示師便打問一念不生萬緣放下如何是本來面目師云死水不藏龍問如何是威音那畔事師云山僧不識問不生不滅是如何師云好人不肯做定要屎裏臥問如何是學人主人公師云可惜許問如何是諸佛出身處師云放汝三十棒問似地擎山不知山之孤峻如石含玉不知玉之無瑕此意如何師云瑕點太多了問天不能蓋地不能載時如何師云放下坐具著問忽遇學人劈面來時如何

師云兩兩無避處問如何是踞虎頭師云看腳下如何是收虎尾師云摸頭上如何是第一句下明宗旨師云你還識山僧顛倒處麼問明歷歷是甚麼物師驀將燈擲僧面問萬法歸一一歸何處師指云燈臺子笑你問踏遍春秋行到恒河綠水時如何師云不涉春秋一句作麼生道問如何是佛師云眼大鼻小問求道過七日得諸佛之智如何是諸佛智師云零零落落問四大本空五蘊非有向何處安身立命師云好箇外道問死了燒了學人已靈在何處師云一堆灰問喫飯穿衣喚心又不是喚佛又不是時如何

師云得恁麼奇特問學人生死不明乞師指示師云恰值我搔頭問學人有頭鐵牛請和尚一牽師云向前來僧佇思師云卻是死牛非鐵牛問如何是金剛王寶劍師云頭落也問高原陸地不生蓮華卑濕淤泥乃生此華時如何師云太平無象問大地是火坑主人公在甚處師策眉毛云會麼問喚作禪旣不是喚作甚麼師云文不加點問一口吸盡西江水時如何師打云者裏一滴也無問如何是點鐵成金師云我不敢輕汝新到叅師云洗浴去僧轉身師云路上若撞著浴頭須打箇問訊問鴛鴦繡出從君看不把

金鍼度與人如何是金鍼師云無你著眼處如何是鴛鴦師云描也不成畫也不就問某甲鼻孔與和尚一般師云太差別生僧扭鼻云有甚差別師云你扭捏我不扭捏僧入室師點筆示之僧擬對師叱出問教中道無一不成佛師凭几睡僧云耳聾眼瞎師拈棒僧縮身退問一歸何處師展手僧云意旨如何師袖手問孟冬意旨誰人得師云無絮襖人得僧云和尚還得麼師云不得僧云爲甚不得師云我識羞耻問學人到者裏禮拜卽是不禮拜卽是師云許多時在叢林俗氣未除問生死不明請師開示師拈數珠

云把與你去僧卻云某甲用不著師云生死又如何用得著問有語非干舌是箇甚麼師云與你一片糖行僧問某甲正坐昏沉來時如何師拈餅示僧云者餅是米做底問珊瑚枕上兩行淚半是思君半恨君思阿誰恨阿誰師云且疑三十年僧入室豎拳云者箇畢竟喚作甚麼師指庭前秋色云不是老少年便是雞冠花

師在婁江有客論良知良能今人槩不能行師問今日是幾客云十二師云卻瞞你不得適茶至師顧客云請茶客舉茶師云未嘗不能客俛首問如何是護

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

撰述

牛雲本仙談卷十

十一

師云只是難為腳皮僧擬議師云且坐喫茶問僧何處來僧云天台華頂峰師云上面有人麼僧云有師云有幾人僧云六七衆師云莫亂道師遊山回一老叟問從何處來歸到何處師以棒打頭云會麼叟云會師云作麼生會叟云豈不是歸到山上師又拈棒打叟腳云如今歸到那裏叟云海裏師呵呵大笑師住興福僧問如何是教外別傳師云腳跟未動早喫三十棒了也僧云過在甚麼處師云過犯彌天問大悲千手眼如何是正眼師以拄杖點云獨瞎了問父母未生前如何是本來面目師云七花八裂問如

何是入城一句師云飽齋回來問如何是普皆成佛一句師云上不加泥問芥納須彌卽不問毛吞巨海事如何師云兩頭三面問衆等求戒全體堂堂阿誰欠少師云袈裟缺半邊問如何是學人脫生死句師云山門昨晚請你做化主問彈指明心須臾見性意旨如何師云古塚莫爲家問佛祖諳訛卽不問冬去春初事若何師云萬卉發萌芽問如何是目前事師云燒香著問三界無安猶如火宅爲甚老者安之朋友信之少者懷之師云腳踏實地師在興化僧問一夢不歸千秋永別主人公向甚麼

支那

文書口角舌象卷二

七二

撰述
佛說金剛經
處去師云待你死了與你道問大疑大悟小疑小悟
或有箇不疑不悟底人未審他是凡是聖師云高著
眼問狗子佛性趙州因甚道無師云者畜生問明鏡
當空物來卽應物去無踪影如何師云瞞山僧眼
不得進云鏡物俱忘又如何師云把火夜行問經中
道無有佛涅槃無有涅槃佛爲甚麼佛不涅槃師云
莫謗他好一晚入堂垂問云大家聚頭在者裏喚作
叅禪且禪作麼生叅僧出問如何是曹谿意旨師云
你還識得燈籠露柱麼問無夢無想無見無聞主人
公在甚麼處師云烏龜水底深藏六問如何是真叅

實悟師云鏡上不留塵問橫眠古路時如何師云你
做者死尸作麼又僧出問和尚是明眼人衆中還有
無事人麼師云你何多事問羣陰剝盡還有向上事
也無師云腳下煖烘烘問坐斷千差時如何師云黑
漫漫地問諸佛出世皆是爲人和尙如何爲人師以
手摩胸云苦殺人一僧云既是極樂爲甚落堂考比
師展手云還我錢稅來僧擬議師打云國課未清焉
得不徵遂曳杖出堂

師勘僧云甚處來僧云華山師云三昧和尚過世衣
鉢付在那箇僧云某闍黎師云不是還有一箇僧云

是某師云不是還有一箇僧云那一箇學人不曉得
師云且坐喫茶僧叅師問甚處來僧云鎮江師云鎮
江近日有兵過否僧云沒有師云我昨日聞得甚多
僧云或是學人起身後來底師云你傳信未清且去
問僧你爲什麼帶笑上來僧云和尚莫眼花師云我
卽眼花你通得箇什麼消息僧擡手師便打問僧兩
箇馱子相逢著那一箇向什麼處去了僧云現在祇
一箇師云我要那一箇僧豎拳師云者是者一箇
未是那一箇僧無語師便打三僧叅問覲面相呈卽
不問向上一著事如何師便打僧云還別有爲人處

麼師又打次僧進前云同行不同步師亦打僧擬議
師復打云同坑無異土出去僧叅師云何處來僧云
本來非住師云卽今在甚麼處僧喝師云再喝看僧
云和尚猶有者箇在師便打云你猶有者箇在僧無
語師連棒打出僧叅師云甚處來僧云龍池師云請
得龍來麼僧云來也師云在甚處僧云和尚何得當
面不識師云元來是蚯蚓僧云不可蹉過師云旣是
龍因甚無有頭角僧云請和尚點出師云我道是箇
蚯蚓次僧叅云某甲爲本分事未明特到者裏師云
未到龍池時好與三十棒僧叅問不動干戈如何得

勝師云你走錯了僧云過在甚處師云敗闕不少僧云卻是和尚敗闕師便打僧不甘師趁出師出大殿行有僧隨入方丈問和尚法體如何師云你管他作麼僧云也須問過師遂拱手云上座法體如何僧擬議師以拂子驀口打問僧你在堂中作甚麼僧云某甲此事摸不著師云上前來僧近前師以手摸僧面云會麼僧云不會師云你好大耳朵問僧因甚喚作手僧云請和尚放下師云放下我卽放下但問你因甚喚作手僧云學人不眼花師云正要你不眼花處道來僧無對師云鎖卻咽喉了也師與施易修居

士方文話次士欲別師云且坐喫飯去士云弟子船中有餅餌師云者裏飯便士云不消師云我只要居士飽士云弟子常飽師云你蓄餅在船作麼士無語師住鶴林有僧問某甲不會無字乞和尚指示師以手就桌寫無字云者便是無字有甚難會僧云某甲問趙州無字師云者裏是鎮江師問圍頭今日種甚菜頭云地瓠師云今日種甚麼時節喫頭云五月半後師云今日問著箇實頭人師問淨頭你爲甚早早穿夏衣頭云因天熱師云熱時道熱寒時道寒因甚不會頭無對

師住天童僧問西山石窟玲瓏眼天童唱導事如何
師云眼見如盲口說如啞問煨聖煉凡卽不問掛錫
玲瓏事如何師云隨家豐儉師因小叅示衆云小白
嶺與汝說法了也隱蓋亭與汝說法了也萬工池與
汝說法了也一夕有僧入方丈云小白嶺隱蓋亭萬
工池說底法某甲會得了師云你作麼生會僧云請
和尚舉師云今晚山僧沒氣力僧懨懨而退問生死
未明請師開示師云汝是福建人慣來說燕語問萬
法歸一一歸何處師云瞳人在眼裏問無夢無想主
人公在甚處師云禮拜著僧作禮師將拄杖卓僧背

僧云離卻又作麼生師云離不離汝道阿誰分上事
問萬法歸一一歸何處師云喫粥了也未僧復問師
云叫喚作麼問如何是父母未生前本來面目師指
庭前云者一朵雞冠花霜打不老問學人不得力時
如何師携僧手出方丈云但恁麼去問無夢無想主
人公在甚麼處師彈指僧復問師云我適來向你道
甚麼僧惘然師云者瞎漢問乾屎橛卽不問如何是
一鏃破三關師云阿誰攔你問生死不明乞師指示
師云昨夜雨不停山澗有泉鳴問盡大地拈來如粟
米大只如粟米如何得蓋天蓋地去師云闍黎費力

撰述
佛雲寺傳誦錄卷一
十一
作麼如何漆桶不會師云生光了也問如何是日用
主人公師云明日要挑柴進云學人擔不起時如何
師云你不是死漢問取不得捨不得時如何師云鼻
孔大頭垂問學人初出家願求開示師云你是那裏
人僧云鎮江師云楊子江滔滔地爲什麼不見問生
死未明如何師云日日剔香燈問祖師西來意畢竟
是有是無師云開眼作夢問杲日當空無所不照因
甚被片雲遮卻師云好箇消息問挑柴不怕路滑只
如猛虎當前時如何師云汝要性命作麼進云莫便
是他安身立命處麼師云性命也無安身作麼僧便

出師喚僧僧回首師作虎聲僧作怖勢師云恁麼也
大好只是不知落處問立雪斷臂乞祖安心某甲心
未寧乞和尚安師云好肉不剝瘡進云還有爲人處
麼師云我爲汝徹困了也問學人如何做工夫師云
常住有飯請你喫問萬法歸一一歸何處師云抱贓
叫屈作麼問某甲不動一步時如何師云作麼生得
到者裏僧喝師便打問馬駒起步時如何師云你試
騰踏看僧轉身歸衆師云猶未離乳在問水牯牛作
麼生馴師云你道鞭頭在甚處進云馴後如何師云
水足草足問大事未明時如何師云黑漆漆地問萬

法歸一一歸何處師便打進云趙州道我在青州做
領布衫重七觔又如何師云情知你提不起問世尊
初生一手指天一手指地爲甚雲門要一棒打殺與
狗子喫師云路見不平僧豎一指云某甲較他又如
何師云且緩緩進云未出母胎度人已畢和尚出世
又度箇什麼師云泥猪癩狗因開戒僧問破戒比丘
爲甚不入地獄師云顛顛倒倒得人憎問入得天童
門步步腳踏實地如何得腳下不沾泥師云何不梢
空去進云某甲則不然搬柴掘土任運天真師云大
好不沾泥問如何是眉毛下事師云鼻孔大頭垂問

若人識得心大地無寸土學人站在什麼處師云落
掉眉毛也不知問杲日當空時如何師云清風拂面
來問二月十九觀音降生有箇不生不滅底觀音到
來作麼生接師云燒香禮拜著問靚面相逢卽不問
如何是道出常情底句師云一條紅線手中牽江寧
劉覺岍居士問知有底人未審作麼生行履師云隨
他去士云向上還有事也無師云有士云如何是向
上事師云且坐喫茶

牧雲和尚語錄卷第十



文選卷第十

一云向土野有車也無謂云何士吳吹回景向
 而廣世其士聞味有知人未審也應生許景伯云劉
 吹回景伯出當許風回謂云一粒珠絲手中牽玉掌
 來許應生對謂云此香囊其善問應面許景伯不問
 夾間之其許其應音刺坐食回不生不刺刺應音呼
 許景生也其吹問某有當空謂吹回謂云高風將而
 許人應謂云大此毋有士人故其許應謂而一云蔡

七
卅
四